

tivum productus; stigmatē capitato-turbinato, bilabiato-infundibulare; stylis rudimentariis (glandulis epigynis) nullis. Fructus

Cadalvena spectabilis.

Monocarpica (?) caule hypogaeo radicante, ascendente, imbricato-squamato, haud tuberifero (?). Folia epigaea quatuor, digitalia, subdisticha, horizontalia, humifusa, amplissime vaginantia, sessilia; lamina orbiculari, nunc apice omnino rotundata, nunc latiuscule apiculata, utrinque dense puberula; ligula obsoleta tenuissima. Flores rhizocarpici, e foliorum sinu singillatim emergentes, pauci, capitati, bracteis vaginantibus inclusi, plus bipollicares, dilute flavi; germine, calyce petalisque extus pubescentibus. Staminodia petaloidea ultra pollicaria, glaberrima.

Hab. in *Aethiopiae terra Fassoglu* (Boriani). — Genus *Kaempferiae* proximum, germine apice biloculari, biovulato, ac styliorum rudimentariorum defectu bene distinctum. Species unica nobis nota, habitu omnino *Kaempferiae Roscoeanae* Wall. (Bot. Reg. t. 1212), *marginatae* Carey (*Roscoe* Scit. t. 93) et *latifoliae* Don.

Adenium speciosum. (*Apocynae.*)

Truncus quadripedalis et altior, conicus, basi 3—2 pedes diametro crassus, apice parce ac distorte ramosus, ramis hornotinis elongatis, foliosis, cum reliquis partibus dense holosericeis, quasi tomentos. Folia subsessilia ac sessilia, obverse lanceolata, basi attenuata, apice rotundato v. retuso mucronata, 4—2 poll. longa ac 1— $\frac{1}{2}$ poll. lata. Inflorescentia terminalis, praecoci ramorum subjacentium paris incremento lateralis, sessilis, ima basi semel bifurcata, cincinoidea, ramis utrisque erecto-patentibus, strictis, multifloris; pedicellis tam bracteis quam calycibus brevioribus. Corolla ($2\frac{1}{2}$ poll.) speciosa, saturate rosea, tubi partē cylindrica calyce dimidio ac ultra longiore, limbi lobis suborbicularibus apiculatis. Folliculi (6 poll.) holosericeo-incani. Semina comis fulvis duplo breviora, ferruginea, testa membranacea multistriata, striis dense papulosis.

Hab. in *Hedra monte Nubanorum nec non prope Fassoglu et Akkaro*; ubi mense Maio 1837 floridum simulque fructiferum legit Dr. Kotschy.